

北京圖書館出版社

蔡鎮楚 編

中國

詩話

本

叢

書

珍




蔡鎮楚編

北京圖書館出版社

中國詩話珍本叢書

17



十二石山齋居士既閒居喜弄筆墨輒談論
古今詩人流品得失以自娛然性迂拙常以
爲詩必有移我情者始謂真詩夫海內談詩
者衆矣人所論不能強我使合我又安能強
人使同哉梓斯編聊與情不相遠者共欣賞
云爾道光丙午七月順德梁九圖

十二石山齋詩話目錄

順德梁九圖福草

卷一

二八五

卷六

七二五

卷二

三六九

卷七

八〇七

卷三

四四九

卷八

八九五

卷四

五三九

卷九


九八七

卷五

六二九

卷十

一〇七二



十二石山齋詩話卷一

順德梁九圖福草

泰州繆湘芷侍郎沅生而有湘字在其頂故
初名湘後改名沅八九歲時夢至古刹證
前世爲湘山寺老僧覺而識之每好誦我
本泉州清淨禪湘山湘水別多年之句後
至泉州訪湘山寺禪房門徑恍如夢中所
歷亦東坡居士後一段佳話

余家藏橫波夫人畫蘭一軸素縑殘矣姿態
宛然馬守真後罕見其匹秀水朱竹垞太
史彝尊題云眉樓人去筆床空往事西州
說謝公猶有秦淮芳草色輕紈勻染夕陽
紅詩畫可稱合璧

海寧祝芷堂侍御德麟西安句云尺五天邊
韋杜曲一千年外帝王州氣象包舉

韓詩多哀白詩多樂終是性情之偏然二公

能見性情所以各有千古

往日所歷之境今日思之夢也今日所歷之境異日思之亦夢也塵寰擾擾家室縈心夢中之苦况也蒙古白鶴亭參領白衣保句云閒思往事還如夢暫息勞生莫問家可謂先得我心

嘗登羅浮暴雨後萬壑爭流濃雲未散山若動搖因誦宣城高阮懷詠雨餘千澗急雲

合萬山沈之句愈覺其佳

長洲許竹隱太守虬折楊柳歌云居遼四十年生兒十歲許偶聽故鄉音問爺此何語置之漢魏豈復能辨

汀州伊墨卿太守秉綬工八分書一時罕出其右詩亦有清氣記其月華洞庭水蘭氣瀟湘烟二語直是色香味俱絕

金冬心農有峨嶓山精能院陋尊者書來相

訊寫此以贈詩云蜀僧書來日之昨先問
梅花後問鶴老梅瘦鶴各平安只有老夫
病腰脚腰脚不利常閉門閉門便是羅浮
邨月夜畫梅鶴在側鶴舞一回清人魂畫
梅乞米平常事却少高流送米至我竟長
飢鶴缺糧攜鶴且抱梅花睡誦之覺筆墨
之中筆墨之外別具一種逸氣

李石梧中丞星沅典學吾粵時其夫人郭笙

愉潤玉有環碧園八絕句中丞親書勒於
學署其一云玻璃四面影縱橫細草含香
恰嫩晴一幅春山好圖畫花藏樓閣柳藏

鶯

謝茂秦眇一目爲趙康王客至孫穆王復延
入幕令所愛賈姬歌其竹枝詞一闕侑酒
茂秦爲續新聲十章翊日王令姬出拜光
華射人以琵琶按譜詔卽盛遣以歸之遂

挾遊燕趙閒無何客死賈取千金裝送二
子歸葬自破樂器不復事人謝之多才王
之愛士姬之守志俱堪千古烏程嚴海珊
遂成詩云重茵翠罽上燈時愛客梁園酒
滿池紫叱撥驕磨勒健爭如一闌竹枝詞
秋到衰楊夜有霜可哀一曲淚霑裳他年
寒食棠梨墓紅雨傷春柳七郎亦復悽婉
詩本性情自然流露一日可得數篇數月轉

不得一字其來無端非可以程期限也劉
子高日課一詩終是滯相文章本天成妙
手偶得之放翁道得甘苦出矣

朱竹垞作鴛鴦湖櫂歌一百首自比於竹枝
詞浪淘沙之調俱寫土風聲情旖旎余最
愛其二章一云沙頭宿鷺傍船樓柳外鷺
鳥隔岸啼爲愛秋來好明月湖東不往住
湖西一云鷹窠絕頂海風晴鳥兔秋殘夜

並生鐵鎖石塘三百里驚濤齧盡寄奴城
永樂大典載李芳樹刺血詩如出漢魏人手
筆究不知芳樹爲何代人也詩云去去復
去去悽惻門前路行行重行行輾轉猶含
情含情一回首見我窗前柳柳北是高樓
珠簾半上鉤昨爲樓上女簾下調鸚鵡今
爲牆外人紅淚沾羅巾牆外與樓上相去
無十丈云何咫尺閒如隔千重山悲哉兩

決絕從此終天別，別鶴空徘徊誰念鳴聲。
哀徘徊日欲晚，決意投身返手裂湘裯。裾
泣寄藁砧書可憐，帛一尺字字血痕赤。一
字一酸吟舊愛，牽人心。君如收覆水妾罪
甘鞭箠不然死君前，終勝生棄捐。死亦無
別語，願葬君家土。倘化斷腸花，猶得生君
家。轉折自然萬緒千愁，令人嗚咽。

先兄雲裳刺史工畫梅，興到亦閒題詩其上。

然未嘗畱稿記其贈呂隱嵐一絕云與君
同住梅花國日寫梅花數百枝不及會稽
童二樹三千三百十三詩歿後吳星儕茂
才炳南哭以詩云石多頑趣今無主梅有
花神亦哭君二語爲同人傳誦蓋先兄好
石亦與余有同癖也先兄諱九章

會稽商寶意盤有趙姬環娘初名小憐後姬
解碧玉連環贈寶意因易名環娘歸寶意